



ATASSUT

IIA 2018/21-1

Siverth K. Heilmann

24. Maj 2018

Nuummi aamma Ilulissani nunani tamalaani Mittarfik kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu sinaakkutissatut piumasaqaatit pillugit Inatsisartut inatsisaat nr. xx, xx. xxx 2018-imeersoq

(Ineqarnermut Attaveqaqatigiinnermullu Naalackersuisoq)

Naalackersuniit Nuummi Ilulissanilu nunani tamalaani mittarfiit kiisalu Qaqortumi nunap immikkoortuani mittarfiup sananeqarnissaannut aningaasalersorneqarnissaannullu sinaakkutissatut piumasaqaatit pillugit Inatsisartut inatsisissaannut nutaamut siunnersuut pillugu imatut ATASSUT-miit oqaaseqarfigissavarput.

ATASSUT-mit uppersarumavarput, angallannermut politikkip angallannermullu attaveqaatit pilersinneqarnissaat siunertaralugu matumanilu qulaani qulequtarisamut isumalioqatigiissitamik pilersitsinerit il. il. inatsisartuni isummersuuterpassuit pisarmata.

2009-imi Naalackersuisuusimasut assartuussineq pillugu isumalioqatigiissitamik pilersitsimanerat, ukiorlu taanna oktober-ip allattorsimaffimmik saqqummiussisimaneq Naalackersuisunik akuerineqartut ilagiinnarpaat. Kiisalu siunnersuutit nassuiaataani 2015-imi punktut innersuussutigineqartuni inatsisartuni amerlanerussuteqarluartunilu akuersissisutiginnittoqarsimaneq saqqummiunneqarpoq.

ATASSUT-mit maluginiarparput, Kalaallit Airports A/S Naalackersuinikkut pilersinneqarnermigut ilaatigut nunap immikkoortuini, niuernikkut tunngaveqarluni ingerlatitsinissaq, mittarffinnik atuinermut akit akinullu tunngaviusussat, sulisunik nunani allamiunik atuinissamut apeqqutit nalilersornissaannut, minnerunngitsumillu aningaasalersu-inissamut atatillugu pitsaanerpaamik taarsigassarsitsisoqarsinnaaneralu ilanngullugu anguniarneqarnissaanik suliakkiisoqarsimasoq.

Kalaallit Airports A/S 2018-imi sanaartornerup aallartinnissaanik siunertaqarluni ulloq 1. Juni 2017-imut qinnuteqaatip kinguaattoornissaanut Naalakkersuisuniit akuerineqarsimanera pillugu, killiffiusoq pillugu sorparujussuarnik saqqummiineq paasissutissiinerlu iluarisimaaginnarneqarsinnaagaluarpoq.

ATASSUT-mit isumaqanngilagut, sinerissami mittarfinni pioreersuni timmisartuus-sinernut akigitinneqarumaartussat il il, sukumiisumik nalunaarsorneqarsimasut. Imaanniernerpoq Kalaallit Airports A/S-p pilersinneqarnermini sullitassaat kisimik akikkillsaaffigineqassasut?

Inuiaqatigiinnili aningaasarsiorneq, sanaartugassat, aningaasalersuinissaq, mittarfissuarnilu pioreersuni, heliport-itut mittarfiullunniit naaliinneqarsinnaanerani nalunaarusiorluni inatsisartunngortunut saqqummiineq toqqissisimalertitsinngilaq.

Kiisalu Kangerlussuarmi suliffinnik takornariaqarnerullu suli siuarsarususullugu, Qeqqata Kommuune-ani aningaasaliinerit ingerlaneranni, isumaqatigiinniarsinnaanerlu sioqqullugu, una suliaq inatsisartuni akueritinniarneqartoq Naalakkersuisuniit pissusissamisuuqinnartussatut isigineqarnerluni?

Nunatta oqaluttuarisaanerani attaveqarnermi aningaasaliinerit annersaat aammalu siuariartortitsinerup tikikkuminassutsillu annertunerulersinnissaannut atasumik inatsisartuni nutaarluinnarnik ilaasortaqalersuni isummertinniarneqarpugut.

Tamanna ajunngeqaaq.

Anguniarneqarpa mittarfinni pioreersuni, massakut timmisartut Dash 8 atorunnaarlugit siunissami timmisartut 19-iniinnarnik ilaasoqartartunik atugaalernissaat?

Innuttaasut takornarissallu Nunatsinni amerlanerulernissaannik angalanerulernissatsinnik pitsaanerusumillu kiffartuunneqarnissatsinnik anguniagaqartilluta, tamanna Naalakkersuisut naapertuuttutut isiginerpaat?

Kommuune-ni suut kingunissaasinnaasut suli ilisimanagit, inatsisartuni aalajangee-reernissaq, isumaqatigiinniarneqarfigineqarnissaannik siunniussaqaqneq pissusissamisoortutut Naalakkersuisuni isigineqarnerluni?

ATASSUT-mit neriutigeqaarput, aalajangiiffigisassaq inuiaqatigiinnut taama pingaaruteqartigisoq, apeqqutigisagut ilanngullugit ersarissumik akissutissarsiffigiumaarlugit.

Taakkuupput ATASSUT-mit oqariartuutigiumasagut, inassutigissavarpullu suliap aappassaaneerneqannginnermini, inatsisartut ataatsimiititaliaanni susassaqartuni peqqissaarulluinnarlugu suliareqqaarneqassasoq.